



**R. P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère <1543-1623>

Mogvntiæ, 1617

Cap. 3. De essentialibus, nempe de materia, & forma Sacramentorum,

[urn:nbn:de:hbz:466:1-78477](#)

requisitæ. De quibus Concil. Trid. sess. 7. de sacramentis in genere, can. 13. sic decernit: Si quis dixerit receptos & approbatos Ecclesiæ Catholice ritus in solemani sacramentorum administratione adhiberi consuetos, aut contenani, aut sine peccato à ministris pro libito omitti, aut in nouos alios per quemcumque Ecclesiæ pastorem mutari posse, anathema sit. De illis agemus in seq. cap. 4.

C A P V T III.

De essentialibus, nempe de materia & forma
sacramentorum.

S U M M A R I V M .

11. *Tria ad unumquodg sacramentum concurrere oportet ut perficiatur: materia forma, & minister.*
12. *Modus compositionis sacramentorum: materia & forma.*
13. *Materia cuiusq. sacramenti indeterminata quidem est quoad determinationem, non tamen quoad rem.*
14. *Materia & forma sacramentorum certa, definitæ, sunt ex Christi institutione.*
15. *Ecclesia nequit mutare essentialia sacramentorum, nec efficiat eam coram impedire.*
16. *Quod in sacramento, & res, verbi: & verbum, rei habere possit rationem.*
17. *Quia coniunctio materia & forma requiratur ad sacramentum.*
18. *Quanta item vtriusq. propinquitas.*
19. *Qua ratione sacramentum Eucharistie censeatur re confitare & verbis.*
20. *Mutatio essentialis in materia & forma sacramenti, reddit istud inualidum: non item accidentalis. Et quando essentialis contingat in materia.*
21. *Quando in forma.*
22. *Ad sacramentum nihil refert, cuius idiomatis sit ipsius forma, neque an eam intelligat qui administrat illud, vel suscipit.*
23. *Dummodo verba habeant significationem vñi receptam, qualiter sacramenti forma exigitur.*
24. *Sex modi quibus fieri potest mutatione in sacramenti forma: & ratio iudicandi quando illa sit huic essentialis, & quando accidentalis.*
25. *Quid sit faciendum in probabili dubio, An ex mutatione forma pereat.*
26. *Quando ex accidentali mutatione forme sacramentum irritum eddatur, vel non.*

M N I A legis nouæ sacramenta tribus perficiuntur, ut Concilium Florentinum in instructione Armenorum decernit: videlicet rebus, tanquam materia; verbis, tanquam forma; & persona ministri conferentis sacramentum cum intentione faciendi quod facit Ecclesia: quorum si aliquod defit, non perficiatur sacramentum ipsum. Quoquidem decreto significatur vnumquodque antea memoratorum sacramentorum, ex rebus & verbis, tanquam paribus componentibus confitare. Et satis significauit D. Augustinus relatus in cap. Detrahe, l. quæst. 1. dicens: Accedit verbum ad elementum, & fit sacramentum. Atque patet ex eo quod nomina formæ & materiæ, sint partium substantiarum rei constituentium. Significatur pariter ex ministro pendente: tanquam effectum admirum ex suo efficiente: de quo in sequenti capite quinto. De eadem vero materia accommodate ad nostrum institutum dicuntur: quæ sunt speculationis scholasticae relinquimus ei qui volet videnda apud Francisc. Suarez tom. 3. in 3. part. D. Thom. disput. 2. late & eruditæ suo modo ea p[er]sequentem.

Notandum est autem primo cum Bellarm. *De sacramentis in genere*, lib. 1. cap. 18. sacramentum non esse quidem propriæ aliquod compositum physicæ: habere tamen cum eo similitudinem quandam. Nam ut in composite physico materia præcedit, & ad eam accedit forma, sicut accedit verbum ad elementum, seu ad rem, & fit sacramentum. Deinde sicut in composite physico materia est indeterminata, & ex se indifferens ad quamlibet substantiaz corporeaz spe-

ciem; & per formam, ad aliquam certam determinatur: sic in sacramento (*quod cum de se signum sit, non alter componiatur ex rebus & verbis, quam ut significant*) rei significatio indeterminata, determinatur per significationem verbi: nec alter res & verbum veniunt in sacramenti compositionem, quam per talem determinationem significationis. Exemplo est compositionis Baptismi ex humani corporis ablutione ex aqua ex prolatione verborum: Ego te baptizo in nomine Patris, & Filii, & Spiritus sancti facta secundum Christi institutionem. Hæc enim determinate significando emundationem animæ per gratiæ infusionem, ad eandem significationem determinat ablutionem prædictam: quæquidem potest indifferenter, ut illam, ita & aliam emundationem significare: verbi gratia liberatio: em ab aliqua infamia tanquam à forde.

Notandum est secundo, quod etiæ materia sacramenti quoad significationem indeterminata sit; quoad em tam certam ac determinatam, non minus, quam formam. Id quod pater inductione: cum enim duplex distinguatur: una remota, & altera propinqua: Baptismi materia remota, est a natura: penitentia, peccata: Eucharistie, panis tricucus, & vinum ex viuis vitis expressum: Confirmationis, Chrismæ ex oleo & balsamo confectionum, & ab Episcopo benedicendum: Extreme vñctionis, oleum oliuarum, ab Episcopo item benedicendum: Ordinis, instrumenta singulorum ordinum: & inter cetera, ordinis sacerdotalis, calix cum vino, & patena cum hostia: Matrimonij denique personæ habiles ad contrahendum. Proxima vero materia Baptismi, est ablutionis: Penitentia, confessio peccatorum cum confessione: Eucharistie, species panis & vini: Confirmationis & Extreme vñctionis, vñctio est antem memorato oleo: Ordinis, porro etiæ seu traditio supradictorum instrumentorum: Matrimonij denique, coniugum consensus ab ipsis expressus signo externo. De quibus singulis erit suis locis in sequentibus dicendum.

Hoc autem loco notandum est vniuersitate, in materia remota requiri debitam qualitatem, & quantitatem: vñ in aqua Baptismi, quod sit vera & elementaris; atque tanta ut idonea sit ad effectum exterioris ablutionis corporis, per quam possit significari interioris ablutionis: quæ Baptismo ipso tanquam Dei instrumento perficitur.

Si quis querat, utram materia & forma sacramenti certe sint & finitæ ex Christi institutione. Respondendum est affirmatiue. Cum enim talis determinatio facta sit ad particularem sacramenti constitutionem: atque, ut habitum est initio proxime præcedentis capituli, de fide sic Christum omnium sacramentorum institutorem esse: non alio, quam ab ipso censeri debet facta talis determinatio: præfertim cum sufficienter id colligatur ex scriptura sacra, Sanctorum Patrum ei adiuncta explicatione, & Ecclesiæ traditione, prout videre est apud Bellarm. lib. 2. de sacramentis in genere, cap. 24. & Suarez in tom. 3. in 3. partem D. Thom. disput. 2. sect. 3. Accedit quod eiusdem fuerit, sacramenta quoad partes suas intrinsecas determinare, cuius fuit illa institutio. A solo Deo autem instituti potuerunt, cum sint signa praedita, quæ significando gratiam, instrumentaliter illam efficiunt. Neque gratia potest esse causa alia principali talis instrumento utens ad talem effectum, quam Deus, iuxta illud Psalm. 83. Gratiam & gloriam dabit Dominus. Et ut D. Thom. 3. par. quest. 6. art. 5. bene argumentatur, solus Dei est sanctificate hominem: quod fit per gratiæ infusionem in animam.

Atque hinc est quod Ecclesia non potest mutare ea que sunt essentialia sacramentis, prout attigit Concil. Trid. sess. 21. cap. 2. probantque Couar. in lib. 1. variar. resolution. cap. 10. num. 7. & Suarez in seq. sect. 6. Neque etiam potest impetrare effectum sacramentorum, quando essentialia sufficienter concurrunt in eorum administratione: nempe cum idoneus minister, adhibita idonea materia & forma, intendit confidere sacramentum, prout quoque probant Couar. in seq. num. 8. & Suarez in eadem sect. Ratio vero in promptu est: quod D[omi]ni voluntati nemo resistere possit, ex cap. 13. libri Esther vers. 9. Quamquam in penitentia & Matrimonio est aliqua à ceteris diuerbia ratio: prout idem Couar. notat in Epitome 4. Decret. par. 2. cap. 6. §. 1. o. nu. 17. & adhuc Suarez in fine eiusdem

eiusdem scđ. propterea quod requirunt actiones nonnullas (ut penitentia actionem iudicis; & matrimonium actionem cum altero contrahentis) ad quas per Superiorum, inferiorum fieri potest inhabilis, ex qua inabilitate oritur impedimentum cursus omnium ex Christi institutione necessariorum ad ea Sacra menta.

Notandum est tertio, ut Sacramentum re & verbo constare dicatur, non esse necessarium, ut ea res non sit verbum, vel illud verbum non sit res: nam satis est si aliquid fungatur vice re, & aliud vice verbi. Quod probatur: quia in Sacramento poenitentiae fieri potest, ut omnia ad substantiam illius spectantia sint verba. Absolutio enim quae est forma ipsius non nisi verbis datur: fierique potest ut peccata, quae sunt eiusdem in materia remota, non sint alia, quam verbo expressa: atque ut actus poenitentis qui sunt materia proxima, non aliter sensibilia sint, quam verbis expressa: nonne cum nullum aliud datur signum interioris contritionis, & indicium satisfactionis facienda, quam oris confessio: non genitus, non suspicio, non genuflexio, aut aliud id genus. Nam poenitentiae Sacramentum nihilominus tunc constabit re & verbo: quia peccatum verbo commissum erit materia ipsius remota: non quidem ut verbum, sed ut peccatum, quonodo quandam rei habet rationem, confessio item oris est materia ipsius proxima: non ut oratio quadam, sed ut actus poenitentis: quae prout est signum exteriorum, internarum contritionis, constituitur materia talis Sacramenti.

De forma quoque non esse necessarium, ut sit verbum, ostendit potest ex matrimonio, in quo omnium sententiâ, loco verborum sufficiunt ut, aut litera: dummodo illis sufficienter exprimatur vtriusq; partis consensus: quia Christus, inquit Suarez, in eis diff. 2. scđ. 2. column. penult. nihil voluit ad Sacramentum illud exigere aliud tanquam sensibile signum; quam quod necessarium esset, ad perficiendum humanum contractum: ad quem sufficiunt signa qualibet, quibus mutuus consensus contrahentium satis exprimitur, etiam si ea non sint proprie verba.

Notandum est quarto, conuenire inter doctores; quod etiam si materia & formæ ratio, partibus Sacramenti non tribuantur propriè: sed tantum secundum quandam accommodationem; nihilominus necessarium est ad constitutionem Sacramenti, ut ea aliquo modo coniungantur: quia non nisi aliquo modo coniuncta, possunt facere aliquo modo unum. Controversia est vero, qualem oporteat esse talem coniunctionem. De qua tres diuersas sententias refert Suarez in ead. diff. 2. scđ. 2. column. penult. & eam sequitur, quae est Sotii in 4. distinc. 3. questio. vniua artic. 8. versu. At vero: ne mpe sufficeret coniunctionem, qua eadem partes moraliter simul esse censeantur: quia cum Sacra menta hominibus prescribantur perficienda: sufficit illa perfici more humano, adeoque illorum materiarum, & formam simul esse eo modo, quo aliqua apud homines dicuntur simul esse (moraliter nimis) quae sibi immedieate succedunt. Si quis enim manus tenens crucem dicat, Ego oscular crucem, postq; deinde osculetur, dicetur moraliter simul protulisse verba, & osculum dedisse cruci.

Quando autem propinquitas ad illam immediationem requiratur, docet Suarez ibidem. In quibus ad Sacramentum inter illius materiam & formam, requiri talem propinquitatem moraliter, ut ex modo quo fit actio, quae est proxima Sacramenti materia; & ex modo, quo proferuntur verba, quae sunt eiusdem forma: satis intelligatur secundum humanum morem concipiendi, quod unum eorum alteri applicetur, ac unum ab altero determinetur. Quo fit ut pro diuersitate Sacramentorum, diuersa requiratur propinquitas materie & formæ. Quando enim propinqua materia Sacramentis ministriatio, ut in Baptismo, Confirmatione, Extreme mactione, & Ordine: forma illi: vel illa, formæ debebit succedere immediate, non quidem mathematicè, quia vix aliqui posset unquam constare de veritate, & certitudine Sacramenti: sed moraliter, sive cum propinquitate ea & subordinatione, cum qua per modum materia & formæ, censetur unum signum componere, eo modo scilicet, quo multa dictiones successuè, etiam cum aliqua interruptio nis mortalia prolatæ, unam orationem componere iudican-

tur. In Sacramento vero matrimonij, quo rationem habet contractus, tanta propinquitas inter mutuam traditionem, & acceptationem contrahentium requiritur, quanta est necessaria ad contractum humanum. Et in Sacramento poenitentiae, quia per modum iudicij perficitur, ipsiusque materia non est (sicut prius memoratorum Sacramentorum) actio ministri, sed ipsius poenitentis: modum habens accusationis rei, sicut & absolutio, quae est eiusdem Sacramenti forma, modum habet sententia iudicii in reum accusatum prolatæ: unde sicut in tali Sacramento, sufficiat ea propinquitas quæ moraliter satis sit, ut idipsum iudicium peragi, & per sententiam consummari intelligatur. In Eucharistia autem diversa est ratio a ceteris Sacramentis: quia cum in usu quodam & operatione consistant, tam quoad materiam, quam quoad formam: similiter transiunt quoad utramque: non item Eucharistia, in qua forma quidem transit, utpote consistens in verbis; sed maner materia proxima ipsius: utpote quae res est permanens: species, inquam, panis & vini, adeo ut difficultas sit non modica: quo modo ei conueniat, ex re & verbo tanquam materia, & forma constare. Ad quam dirimendam longiore examinatione opus est, Suarez monet.

Huic loco vero, pro ratione nostri instituti, sufficere potest annotasse, Eucharistia formam simul esse cum materia eiusdem remota, pane scilicet, & vino: quandoquidem super eam præsentem proferri debet ad consecrationem corporis & sanguinis Christi; hanc simul cum illa celare: neque enim substantia panis & vini manet post consecrationem. Cum materia vero propinqua camdem formam simul esse successuè, illi enim hæc proxime succedit: siquidem prolatis verbis consecrationis, ex pane & vino, mandat: tamen eorum accidentibus, sit corpus & sanguis Christi. Quæ accidentia, continentia corpus & sanguinem Christi, sunt materia proxima Eucharistie: cuius applicatione ad hominem (hoc scilicet sumente illam in diuinum cibum) producitur gratia in ipsius anima: non autem coniunctione forme cum predicta materia. Neque enim talis coniunctione est à Christo instituta proxime ad talem productionem, sed ad antedictam consecrationem.

*Regula aliquot notanda de mutatione materia, &
formæ Sacramenti.*

Prima est, Si formæ & materia fiat mutatio essentialis, Sacramentum effici nullum. Hæc in eo fundatur, quod res esse non possit, deficiente aliquo spectante ad ipsius essentialiam.

Secunda est, Si in materia aut formæ Sacramenti fiat mutatio tantum accidentalis, non Neo destrui Sacramentum, sed factum tenere. Hæc fundatur tum in eo, quod mutatio accidentalis non variet essentialiam rei; tum etiam in definitione capituli, Retulerunt, De consecrat. distinc. 4. quæ est ob accidentalē mutationē formæ Baptismi ibidem memoratam, illum non fuisse iterandum tanquam inuidum.

Tertia, Tunc solum materia mutationem esse essentialē, cum tanta est, ut iuxta communem conceptionem & usum hominum, ea minime in ratione & nomine conueniat cum illa materia, quam ut à Christo præscriptam, Ecclesia in collatione Sacramenti usurpat. Quomodo panis aquæ maceratione resolutus in massam, & vinum resolutum in acetum, non sunt materia sufficiens ad Eucharistiam: quia panis & vini nomen, ac rationem non retinent secundum communem hominum conceptionem & usum; etiam si forte physice non differant specie. Fundatur autem haec regula in eo, quod materia cuiusque Sacramenti sit à Christo determinata in ordine ad usum hominum; sicut Sacramenta ipsa ille instituit suscipienda ab homine ad certi, determinatae finis consecrationem. Sic igitur in Eucharistia sufficiens materia Sacramenti sunt panis, & vinum, quæ simpliciter censentur talia in ordine ad humanum usum: quæ vero non censentur, nec materia sufficiens censentur: & sic de ceteris. Bene autem monet Suarez in citata disput. 2. lec. 4. obseruandam esse traditionem Ecclesiæ universalis, vel ab Ecclesia vniuersali approbatam, ad iudicandum

NAL
XIS

quid sit vel nos sit de substantia materiae Sacramenti : quia Ecclesia, quae est columna & fundamentum veritatis, non potest errare in ea re, maximè pertinente ad doctrinam fidei & morum. a.

21. Quarta est. Tunc mutationem formæ essentiale esse, cum variat sensus verborum eiusdem, cum vero non variat, esse tantummodo accidentalem. Hæc in eo fundatur, quod de essentia formæ Sacramenti sit, determinare illius materiam, quod, ut ante habitum est, facit significando; & ideo non per verborum sonum, sed per eorum sensum. Quare si maneat idem sensus, significatioq; verborum, in qua consistit formalis horum integritas, quantuvis mutentur voces, censabitur eadem forma manere. Contra vero tolli iudicabitur, si sensus perget, quantumcumque una solum litera mutetur; & si dicatur, Ego te baptizo in nomine matris & Filii & Spiritus sancti.

22. Ad pleniorum autem intelligentiam notandum est primo, nihil referre ad validitatem Sacramenti, cuius idiomatici sint voces, ex quibus constat ipsius forma, dummodo habeant debitum sensum. Hoc satis patet ex dictis: & ex eo, quod oportet alioquin Sacra menta cōfiscari in ea lingua, seu idiomate quo Christus vobis est: quod cōmuni Ecclesia vobis aduersatur. Neq; ratio dari potest, cur vnum de ceteris idiomaticis postus, quam aliud dicatur ad formam Sacramenti necessarium, ut bene argumentatur Suarez in cit. sest. 4. explicans eandem quartam regulam. Vbi & addit ex Caetano, mixtionem idiomatici, etiam si eodem numero forma fiat, non esse contra substantiam Sacramenti, dummodo voces in unam orationem coniunctæ referant sensum, quem forma debita requirit.

Notandum est secundo, non esse necessarium ad Sacramenti substantiam, ut qui illud administrat vel suscipit, intelligat idioma formæ verborum; sed sufficit ut habeat intentionem Christi, & Ecclesie, quoniam verba ea omnem suam vim habent ex Christi institutione.

23. Notandum est tertio, iuxta D. Thom. 3. par. quest. 60. art. 7. ad 3. verum sensum verborum censendum esse illud, quem secundum propriam & principalem significationem suam illa habent ex prima ipsorum impositione, aut saltem ex accommodatione vobis. Quia de re agens Sotus in 4. dist. 1. quest. 1. art. 8. tangit, id intelligentem esse de accommodatione, non quidem priuata auctoritate, pro libello facta per intentionem nouarum vocum, attribuendo eis significationem verborum talis formæ: sed de recepta publice in aliqua natione vel prouincia; quia cum Sacramenta sint signa propter bonum commune instituta, perfici debent verbis, quae signa sint authentica, & in communis vobis posita. Sic ergo, inquit ille, Sacramentum pœnitentia valeret, si quis dans absolutionem Imperatori dicat, Absoluo vestram maiestatem ab omnibus peccatis suis. Non consecraret autem, si pro verbis. Hoc est corpus meum: vobis pareret corundem prima eleminta: H. E. C. M. quia mutatio in forma fit illuc secundum accommodationem vocum publicè receptam; non item hic. Videri quoque potest Suarez in eadem sest. 4. cum explicat secundam mutationem. Vbi etiam de verbis ambiguis admonet: si debita intentione preferantur in ea sensu, quo debent sacramentalia verba sufficeret ad substantiam Sacramenti: quia licet quod exteriorum sonum maneant in sua ambiguitate, tamen ex animo & intentione preferentis determinantur ad significationem sensum formæ Sacramenti, ambiguitate ipsa sublata.

24. Notandum est quarto, mutationem in forma Sacramentis fieri posse sex modis. 1. per additionem alicuius vocis. 2. per subtractionem alicuius v. c. 3. per vocis alicuius permutationem: ponendo scilicet vnam pro alia: ut verbi gratia, Tingo te; pro Baptizo te. 4. per corruptionem, qualis est antemerata ex cap. Retulerunt, De consecrat. dist. 4. Ego te baptizo, in nomine Patris, &c. 5. per transpositionem, vt dicendo, Te in nomine Patris, &c. 6. per interruptionem, vt si postquam dixisti. Hic est calix, quiccas: & post addas, Sanguinis mei.

De his Sotus & Suarez locis citatis sigillatim docent: num substantiales, an accidentales sint ipsi formæ Sacramenti; sed nobis sufficere potest, notare eam Bellarm. De Sacramentis in genere libr. 1. cap. 21. propos. 2. notab. 3. de talibus mutationi-

bus, sinte substantiales, an accidentales iudicium non debere esse mathematicum sed morale. Sie nimur, ut sensus verborum inducerit tunc conferuari, cum audientes intelligunt, concipiuntq; per ea, etiam corrupte protata, id ipsum significari, quod solet per integra verba forma Sacram. est. Ad quod declarandum ille inducit exemplum casus propositionis cit. cap. Retulerunt, qui tantummodo quidem pertinet ad mutationem factam per corruptionem, sed pars ratione accomodari potest ad ceteras mutations, quod viri prudentis iudicio, eas ex cōmuni vobis, & circumstantijs expeditius, non sunt ita notabiles, ut moraliter loquendo identitas sensus verborum constituentium formam Sacramenti, debeat dici ac censeri perire: Pari ratione, addit idem, iudicandum est de interruptione. Si enim quis in consecracione Eucharistia diceret, Hoc est cor: & postquam quievisset per spacium non notabile, adderet, pus meum: prudenter iudicio non censetur dixisse, Hoc est corpus meum. Secus est vero si postquam dixerit, Hoc est cor, patiens aliquam breuem mentis evagationem, non nihil interquisiendo, adderet, pus meum. Nec enim iudicabitur extantilla interruptione, formam Sacramenti perisse.

Porro cum dubium rationabile fuerit, num sensus formæ Sacramenti per factam mutationem p̄serit, ea iteranda est: & quidem sub conditione maxime in Baptismo, Confirmatione, & Ordine: quia cum imprimit characterem indeleibilem, non nisi semel eodem hincmine recipi possunt ex definitione Concilij Trid. sest. 7. can. 9. De Sacramentis in genere. Unde vt in eis sacrilegium iterationis vietetur: sub conditione in Baptismo, exempli gratia, dicendum est, Si non baptizatus, ego te baptizo: ex cap. De quibus, Extra, De Baptismo.

Notandum est quinto, quoties dubium est probabile: an aliquid sit de Sacramenti necessitate, curandum esse vt non omittatur illud quod est certius. Quamuis enim probabilitas opinionis valere possit ad excusationem à culpa; nunquam supplet id quod Christus voluit esse de necessitate Sacramenti.

Notandum sexto, nullo modo licitum esse mutare verborum formam, etiamsi mutatio sit solum accidentalis: quia licet integritas accidentalis non sit de necessitate Sacramenti, est tamen de necessitate praecetti, iuxta post dicenda in cap. ultimo. Imo nonnunquam ob solam accidentalem formæ mutationem, Sacramentū non perficitur ex D. Thom. 3. par. quest. 60. art. 7. ad 3. & in corpore, patetque ex antemerata cap. Retulerunt. Tunc nimur, ut Bellarm. loco cit. paucis tradit, cum quis vult per talem mutationem introducere essentiali ritum notum, respectu totius Ecclesie. Ratio est: quoniam eo ipso non haberet intentionem facili quod facit Ecclesia, prout requiritur ad Sacramenti validitatem, iuxta dicenda in sequenti capit. Secus est vero, si nouum respectu tantum alicuius Ecclesie particularis, quam putat falsam, reveraque intendit facere quod vera Ecclesia facit: licet addat aliquid tanquam essentiali, sed quod tale non est: interea nihil de essentialibus excludens, neque formæ sensum varians, aut variare intendens. Quod addo, quia si non intendat sensum verum, sed falsum, & errorneum velit per talem formam significare, mutatio tunc erit substantialis, & sufficiens ad reddendum Sacramentum irritum. Quia de re late Suarez in eadem disputat. 1. sest. 5. Exemplum est: si baptizans dicat, Ego te Baptizo in nomine Patris, & Filii, & Spiritus sancti, & beatissimæ Virginis. Nam per eam additionem factam legitimam formam Baptismi, si intendat aliquem sensum contrarium eidem formæ, ut Beatum Virginem esse quartam personam diuinitatis, mutatio erit substantialis: sin secus, ut si solum intendat inuocare B. Virginem, ut Dei matrem, mutatio erit tantum accidentalis: ut memoratus quoq; author notat.

Notandum septimo, Eum qui existimat aliquam particulam non esse de essentia formæ, ut inuocationem Trinitatis non esse de essentia formæ Baptismi, & nihilominus eam profert: aut qui falsè existimat aliquam particulam esse de essentia formæ, quam & profert: si exclusis opinionibus alij erroribus quas tenet, intentionem hanc habeat, ut per verba à se prolata facere velit quidquid Christus quoad tale Sacramentum instituit, & Ecclesia vere tenuit & tenet: atque adeo

REGI
PRA
DORI
E

adeo facere illud quod fieri potest per omnia illa verba, validum esse Sacra mentum: quia licet decipiatur errore speculatio, & opinione priuata: non tamen errore practico & opinione communis Ecclesiae. Quod declaratur exemplo illius qui matrimonium contrahit, falso existimans talii contractui subesse impedimentum dirimens: nam si seruer omnia necessaria, vere contrahit, prout docet Co ura, in Epitome quarti Decreti 2. parte Capite 3. §. 7. numero 2.

C A P . I V .

De accidentalibus, hoc est, de Sacramento rum ceremonijs.

S V M M A R I V M .

- 27 *Quae propriè dicuntur ceremonia Sacramentorum, & magna carum varietas.*
 28 *Commune ceremonijs: & quod earum vñus plus sit, & salutaris.*
 29 *A solo Papa esse mutari possunt: nec usurpari passim possunt à queuis.*
 30 *Quem vñus eadem habeant.*
 31 *Quo modo conueniat eis producere certos effectus spirituales.*

CEREMONIAE Sacramentorum, Sacramentalia dicuntur propriæ: etiam si id nomen extendatur quoad nonnullos ritus, qui extra Sacra menta quidem seruantur in Ecclesia, sed sunt eiusdem fere rationis cum ipsi sacra monijs: siveque Waldensis de Sacramentalibus agit tomo integro: agunt & alij quorum Suarez meminit in sequenti disputatione 15. sect. prima in fine. Hie vero sermo est tantum de predictis ceremonijs Sacramentorum: de quibus aduersus sectarios agit Bellarm. lib. 2. de Sacramentis in genere cap. 29. & sequentibus. Quæ ad nostrum institutum necessaria videtur, quam paucis fieri poterit, completemur aliquot documentis.

Primum est: Cæmeronias Sacramentorum, seu Sacramentalia vocari propriæ, actiones qualiam & circumstantias religiosas: quæ in Sacra mentorum administratione, vel in sacrificio oblatione Ecclesia seruat, præter ea quæ sunt de Sacra mento, aut sacrificij essentia. Eas autem esse in tanta varietate, vi naturaliter sumptæ, per omnia prædicamenta diligenter possint. Aqua enim admixenda vino in sacrificio est prædicamenti substantia: & modicum in quo admixeri debet, est quantitas continua: sic trina merito in Baptismo est quantitas discreta: & qualitas est, quod panis debet esse azimus. Relationis autem, quod interueniente benedictione quadam, talia sunt deputata, ac referantur ad Sacra mentum vel sacrificium peragendum. Actiones vero & passiones, sunt orationes, gestus data signa: & cetera similia. Ad ubi porro, & quando, pertinet certi loci & temporis obseruatorum. Ad situum esse, genuflexio, & corporis incurvatio: & demum ad habere, vestibus certi generis amictum esse.

Secundum documentum est: Omnibus ceremonijs Sacra mentorum commune esse cum Sacra mentis, & sacrificio, quod sunt externi actus virtutis religionis differant vero, quod sacrificium contineat supremum Dei cultum, quo illius excellentiam, per rei oblata sacrificeationem immutationem profitemur: Sacra menta vero ordinentur ad sanctificationem fidelium, quam significant & conferunt in noua lege. At vero ceremonia, ad cultum Dei, intermedio sacrificio, aut Sacra mento aliquo, ordinentur: vt pote, institute ut conuenientiori modo ac cum reverentia maiore sacrificium offeratur, aut Sacra mentum administretur.

Tertium documentum est: De fide esse (*iuxta definitionem Concilij Tridentini, sect. 7. can. 13. cuius verba detulimus in fine predictoris cap. 2.*) vñus Sacramentalium, seu ceremoniarum quæ in Missa sacrificio & Sacra mentorum administratione Ecclesia nunc obseruat, pius, & fidelibus fidularum esse. Id

quod patet ex illo generali principio: quod non possit Ecclesia errare in ijs quæ ad fidem vel mores pertinent: quia doquidem ipsa est columnæ & firmamentum veritatis ex capite 3. prioris ad Timoth. Ad fidem vero & bonos mores Ecclesiæ pertinet maxima pars, vt in ea ceremonia sint religiosæ & salutares, non autem superstitiones & vanæ. De qua re pluribus Suarez, in seq. sect. 2. Sicut & in sect. 3. de eo quod tales ceremonia non sunt a Christo immediate instituta, sed ab Ecclesia, per potestatem quam ei Christus ipse tradidit. In ea immorari non est necessarium ad nostrum institutum, cui sufficit quod ita receptum sit, communis Catholicorum consensu.

Quartum documentum est: Deside quicq; esse ex eodem canon 13. quod Sacra mentales ceremonia non possint per quaecunque Ecclesiæ pastorem mutari. Circa quod notandum est, Summum Pontificem de plenitudine sua potestatis, quam habet eandem cum potestate quam in instituta sunt tales ceremonia, posse eas ipsas mutare etiam si non debeat sine magna necessitate, vel utilitate. Alios autem pastores, cum potestatem habeant inferiorem illâ, qua ex eadem instituta sunt: non modo non debere, sed nec posse eas mutare: quia inferiores non possunt derogare ijs, que a superioribus instituta, præceptaque sunt, sed tenentur illis se conformare.

Quintum documentum est: Sicut ceremonia Sacra mentales sunt per Ecclesiam instituta: ita ministros illarum esse eos quos Ecclesia ipsa designauerit. Ad eam enim pertinet designare ministrum, cuius est instituire ministerium. Qui autem illi sunt, non potest generaliter doceri. Particulariter autem docendi locus proprius in sequentibus datur, cum de vniuersalibusque Sacra menti ministro in particulari tractatur.

Cæterum vñus talium ceremoniarum est: tum vt Sacra menta ipsa cum debito honore & reverentia tractentur, & in maiore estimatione habeantur: tum vt mysteriorum nostræ fidei intelligentia crescat, & memoria retineatur: tum demum vt fideliū deuotio conferuetur, & augatur: prout explicat Suarez in citata disputatione 15. sect. 2. sub finem. Qui etiam in sequenti sect. 4. explicat quomodo eis conueniat producere quinque fructus: qui si non omnibus illis, at certe nonnullis tribuantur quorum primus est auxilium aliquod, seu bonus aliquis diuina gratia motus: secundus, remissio culpæ venialis: tertius, remissio aliquius poenæ temporalis, cuius reatus manere solet remissa culpa: quartus demones expulsio, vel inhibitus ne lœdat: quintus, commodum aliquod tempore, vi sanitatis vel aliud huiusmodi.

Summa autem eorum, quæ idem latius tradit, est: nullum ex Sacra mentalibus, aliquem huiusmodi effectum producere, ex opere, vt vocant, operato: quia oportet alioquin ipsum habere viam, qua ad eius presentiam talis effectus produceretur: quod per Ecclesiæ potestatem fieri non potest. Nec enim ratio datur, quia talis potestas sufficienter affirmetur; præsertim cum sicut solius Dei est talia taliter operari; ita etiam solius sit, signa efficacia in fluere quibus positis illa perficiantur. Accedit, quod etiæ Deus potuerit talē potestatē dare Ecclesiæ; eam tamen de facto non dedisse, ex eo si intelligatur, quod in benedictione & consecratione rerum quam Ecclesia facit, pro consequenis à Deo prædictis effectibus, tantum habeatur oratio, qua talia postulantur. Duo igitur tantum modi sunt quibus per Sacra mentalia idem effectus conferri possunt produci. Alter est, quando ea sunt actiones: tunc enim quia sunt actiones de se bona, si sunt in gratia cum debita intentione, debitoque modo, mereri possunt, ex opere vt vocant operantis, consecrationem talium effectuum à Deo. Alter est, quando ea sunt substantiae aliquæ in quarum benedictione, vel consecratione per Ecclesiæ orationem, ipsæ specialiter ordinantur ad tales effectus. Cum enim preces Ecclesiæ magnam vim habeant apud Deum, qui illam diligunt et sponsam: dici potest, tales effectus per modum impetracionis, à Deo specialiter conferri adhibitis huiusmodi Sacra mentalibus. Quo modo existimandū est in templo consecrato, ratione consecratione per Ecclesiæ orationem, ipsæ specialiter ordinantur ad tales effectus.

tandos,

NAL
XIS